

Թողեր ինձ, ոչ՝ յարժանին վայր դիմելովդ, այլ
 մարմնապէսն անջատմամբդ, որոյ վասն մորմնքին
 աղիք իմ, խորովի սիրտ իմ, ՚ւր հովուես, ուր հան-
 գուցանես եւն, արածեալդ ի շուշանս, Թուռցեալդ
 ի բարձունս խնկաբերաց, եւ զի անցեր՝ ապա ել
 ոգի բաղձանացս ի տառապել զիս. խնդրեցի զքեզ,
 եւ ոչ գտի. կոչեմ, եւ ոչ տաս զձայն. ահա երգ-
 մնեցուցանեմ՝ զգստերս Երուսաղեմի՝ գրաւոր բա-
 նիւս, զի պատմեսցեն քեզ, եթէ խանդակաթ եմ ի
 սէր քո, դիր ուրեմն զիս իբրեւ զկնիք ի վրայ սրտի
 քոյ, եւ իբրեւ զմատանի ի վրայ բազկի քոյ: Արդ՝
 խնդիր իմ այս է ի յարգութենէդ, զի մի մնացես
 յուժեքէ աստուգականաց վերաւորեալ, որոց փոխա-
 նակ ահա ես խնդրեմ զներումնդ. աղաչեմ ածել ի
 միտ զՅիսուսին զանոխութեան զնշան, որ յաղա-
 զակէ հրէից «արիւն դորա ի վերայ մեր եւ ի վերայ
 որդւոց մերոց», եւ ի կեղծաւորական յուացմանէ
 ջրով՝ Պիղատոսի, բնկալաւ վիշտ ի սրտի ջրոյ եւ
 արեան, եւ ի ժամ առ հայր պատարագելոյն՝ ի
 նշան անոխակալութեան՝ տիգաւ խոցեալ՝ եհան
 վաղվաղակի զարիւնն եւ զջուր. եւ զի պատուակա-
 նութիւն քո ահա մատուցեր զմնացեալ կեանսդ՝
 զուխտաւոր պատարագ, մի լիցի ախտաւոր սխակա-
 լութեամբ, ուստի մաղթեմ ներել: Նաեւ խնդրեմ
 զմշտնջենաւոր եկաւորութիւն գրոյդ եւ զորպիսու-
 թեան կացութեանդ ծանօթութիւնս եւ առ ամի-
 րայս միամիտս ողջոյնդ թէ ներ գրոյն առ իս, եւ
 թէ որոց արժէ յատուկ գրով. այլ եւ պահանջեմ
 ի սիրոյդ թախանձանօք, զի յատկապէս գիր մի սի-
 րոյ եւ օրհնութեան՝ առանց ինչ զկձանաց բանից՝
 գրեսցես առ մահտեսի Քասպար ամիրայն, եւ առ իս
 յղեսցես. զի ես մատուցից նմա. զայսոսիկ գէթ ի
 սէր նուատութեանս աշառեալ կատարեսցես. եւ
 զաղօթսդ աստուածքնկալ հանապաղ մատուցես
 առ Տէր վասն իմ, ում կարօտիմ միշտ, եւ լիցի
 անձն դերապայծառ պատուականութեանդ միշտ ի՝